

# MY BIBLE FIRST

PRIMARY YEAR A  
Q 4 #43

## Samson

### SUNDAY

1

Israel mite in nidanga a neih ngei uh buainate i zak mah bangin tu in zong neikik uh hi. Tu in buaina abawl kuate hiam? **Thukhente 13:1.**

Israel mi khempeuh in Pasion mangngilh ta uh hiam? Hilo hi. Ama tungah a thumaan leh a citak tawmkhat na om tawntung hi. Tuata lakah Manoah leh a zi zong kihel hi.

Nikhat, Manoah' zi in amah mu dingin hong nawh-pai mahmah hi. Amah in thu hoih khat a gen ding kal ngaklah mahmah hi. Bang hiding hiam? **Aneu 6, 7.**

A tawpna ah, amau nau pasalno a nei ding hong hita uh hi. Amah hong khangkhia dinga tua ciangin Philistine-te khut sung panin Israel mite honkhia ding hi. Lamdang si e! A lawp ding dan uh na ngaihsun thei hiam?

Manoah' zi a hopih zel Mipa in a tapa a cidam-in a thahat nadingin bangteng hih ding cihte hoihtak-in na gen khin hi. Ahih hangin Manoah in ahih ding khempeuh uh kician takin thei nuam hi. Amah in Pasion kiangah bang ngen hiam? Pasion in a thungetna a dawng hiam? **Aneu 8-13.**

Gideon bangin, Manoah leh azi in zong amau a hopih Pa in a lamdang Thupuakpa ci-in a theitei hangun, Amah in Pasion Tapa Jesu ahih lam theilo uh hi. **Aneu 15-23** sung sim in.



**NGAIHSUN-IN:** *Thupuakpa in a naungek' nu kiangah a hihzia dingteng gen khol hi, tua manin naupang*



### KAMNGAH

Migilopa, ama gamtatna hoih lo ah awk a, a mawhna khaute in gacip hi. **Paunak 5:22**

**The wicked man ... is caught in the cords of his sin. Proverbs 5:22**

*a ci damin, a tha-hat hi. Na nu-le-pate in na cidam zawk sem nangun hong huh manin na lung a dam hiam?*

### MONDAY

2

Naungek a suah ciangin, Manoah leh azi in bang min phuak uh hiam? **Thukhente 13:24.**

A siam tawpun Samson pattahna uh ahih manin Pasion in Manoah leh azi thupha pia hi. Samson pen Israel mite ahuh dinga Pasion kisap a thahat leh a hangsan khat a hih kul cih zong amau nupa in thei uh hi.

Ahi zongin Samson hong khan' ciang in, amah in deihteelna zangkhial hi. Pasion' galte ahi Philistine te tawh hong kilawmta hi. Philistine numei tawh hong kingai lailai hi. Tua nu in Timnah khuapi ah teeng a, Samson in tua nu teenpih nuam hi.

Samson in a nulepa kiangah tua thu agen ciangin, amaute in Samson teel-khialhna hilhkik sawm uh himah leh,

Samson in, “tua numei in hong lungkimsak hi” ci a, Pasian’ lungkimna sangin ama’ lungkimna teel zaw hi.

Samson in thahat mahmah hi. Timnah a hawhna lampi ah bang piang hiam? **Thukhente 14:5-9.**

Samson in humpi le khuaizu vai ah dotna khat bawl a, Philistine numei tawh a mopawi bawl a, Philistine pasal 30te tungah dong hi. Amaute in kaal khat sungin a dawn theih vua leh Samson in puan pawlkhat pia dinga, a dawn theih kei vua leh amaute zong puansilh pawlkhat Samson kiangah pia ding uh hi. Zingciang in bang thu piang hiam, cih i mu tel ding hi.

 **NGAIHSUN-IN:** *Samsan in a thahatna koici labkhiat a, a thanemna koici labkhiat hiam?*

## TUESDAY

**3** Samson’ dotna hibang ahi hi: A nepa (humpi) sung pan nek ding khat piangkha-a, thahatpa (humpi) sung pan a khum khat piangkha hi.

Tua ciangin mopawi ah pasal sawm thumte in tua dotna a dawn theih loh ciang un Samson’ zi in a kanpih nanging gen uh hi. A muh zawh kei aleh, bangcih sawm uh hiam? **Thukhente 14:15.**

Samson in a dotna bang hiam cih a nu-le-pa zong gen nai lopi-in, a tawpna ah a zi na gen hi. A zi in a gen kei leh a thah sawm mi sawm thumte kiangah gen leuleu hi. Amaute in tua danin Samson kiangah agen uh ciangin Samson in a dawn theih takpi lam mu khia hi. Tua leh Samson bang hih hiam? **Aneu 19.**


Tawlkhat khit ciangin Samson, Timnah ah paikik hi. Timnah a tun ciangin a zi pen pasal dang khat adingin na kipia hi, ci mu khia hi. Tua hangin Samson heh mahmah a, Timnah logamteng, lenggah huante, leh olive kungte mei tawh a halsak hi. **Thukhente 15:4, 5.**

Tu in Philistine mite heh lua uh hi; amau gamtatna hangin Samson in amaute tampi that hi. Tua khit ciang-in suanghawmpi sungah a om hi. **Aneu 6-10.**

A nunungpen ah, Samson’ zi neihna in thusia, a dahhuai thu tawh hong tawp hilo hiam?

Tua hun lai-in Israelite mite in Samson nahuh uh hileh, amaute in a gilo Philistine-te khut panin suakta ding uh hi. Ahi zongin amaute meidawi uh hi. Amaute in Samson bukna mun thei uh hi; Samson lam ah pangin Philistine mite a do ding sangsik-in, amau mi tul thumte in Samson man dingin va pai uh hi.

Samson in a mipihte tawh kisia nuam lo hi, amaute in a galte kiangah a ap theih nanging, khau-hual tawh kihensak hi. Philistine mite nuam mahmah uh hi. Ahi zongin Pasian in amaute gal a zosak hiam? Bang thu piang hiam? **Aneu 14-16.**

 **NGAIHSUN-IN:** *Samson in Philistine mite tawh kidona ah a zawh nadinga thahatna a pia Pasian ahih lam a phawk hiam? Ahihkeh a zawhna pen a kisialhpih hiam? Kisialh ding a baih hiam?*

## WEDNESDAY

**4** Samson in philistine mi 1,000 a thah ciangin, ama hatna bangin kigen hi. Amah bel thahat mah hi, ahizong Pasian in a tuam vilvel thahatna pia-in huh kei leh ahih zo mah diam? Lai Siangtho gen na phawk lai hiam? Hihte ahih zawh nanging Kha Siang-tho in Samson thahatna a pia hi. **Thukhente 15:14.**


Sawtpi gal a do khit ciangin a dangtaak lua hi. Tha a dimkik nanging tui kisam napi, tui om vetlo hi.

Pasian huhna loin amah siziau thei cih Samson in thei hi. Tua ban-ah, Pasian huhna loin Philistine te’n amah that khin ding hi cih zong hong phawksan hi. Amah’n bang hih hiam? **Aneu 18.** Pasian in Samson i thungetna koi bangin dawng hiam? **Aneu 19.**

Pasian muan ding i teel-kik ciangin Amah hong kilaakkik in Ama adingin a hi theilo omlo hilo hiam? A

mite in tua bang ahih lam a manghilh pahpah pen dah huai si mataw!

Samson tungah Pasian in a lungduai hiam? Lungduai mah hi. Pasian in a zawhpih khit ciangin, Philistine te tawh buaina dangte nei zel mah leh Pasian in amah it a, ama tungah lungduai lai hi. Pasian eite tungah zong hong lungduai hiam?

 **NGAIHSUN-IN:** *Kisialhna pen i ngeina hilo hiam? Kha Siangtho vangliatna tawh na hoih i sep siala, Pasian phat ding pen mangngilh baih hilo hiam?*

## THURSDAY

**5** Samson pen thahat-in, zong tha-nem hi. Satan in eite hong ze-et theih mah bangin, Samson zong a thanemna ah koici ze-et ding cih thei hi.

Ni khat, Satan in Samson pen Gaza khuapi ah Philistine numei khat kiang pai dingin ze-et hi. Tua mun a tun ciangin mite in amah a man zo ding kisa uh a, na



© sweetpublishing.com; License—<http://creativecommons.org/licenses/by-sa/3.0/>

lungdam uh hi. A man zo uh hia? **Thukhente 16:3.**


Ahi zongin a zingsang ciangin Gaza' mite'n lamdangsa uh hi. A khuapi kongkhak na om nawn lo hi. Ahi hangin Philistine te lungkia lo hi. A sawt loin nu ngak hel dinga hong pai mu uh hi. Tua numei min Delilah hi a, amah in Samson mat zawh nadingin a huh leh letsong lianpi piak ding gen uh hi. **Aneu 4, 5.**

Delilah thukim hi. Ahizong, banghang in Samson thahat cih a kankhiat masak kul hi. Ni khat khith ni khat, a theih zawh nanging hanciam a, Philistine mite in zong Samson man dingin, na buksan den uh hi.

Amasa pen in savun tawh a kibawl khau zang/hual athak sagih tawh hong gak in acih ciangin Delilah in hih pah hi. Ahi zongin bang piang hiam? **Aneu 9.**

Akik ciangin khauzang athak, a khauh mahmah tawh hen dingin sawl hi. A kibangin hong piangkik hi.

Tua khith ciangin puan-gat in siambu tawh ka sam-teng hong gan in ci a, Delilah a ihmud kal in tua bangin hih hi. Tua ciangin Philistine te hong pai, Samson acih aleh, tu in amah in a siambu-teng kaizaak mang hi.

 **NGAIHSUN-IN:** *"Mei tawh kimawl" cih na za ngei hiam? A lungmuan-huai hiam? Samson zong ze-etna tawh kimawl hilo hiam? Tua in mei tawh kimawl dan mah hi a, a khawl kei aleh siatlawh ding hi.*

## FRIDAY


6

Nisim, Delilah' phinphinnate Samson in cimtak lua ta a, a tawpna ah thutak genkhia ta hi. Tua nu kiangah bang gen hiam? **Thukhente 16:17.**

A nunungpen ah Samson i gen a hatna thusim pen Delilah in hong thei khia ta hi. Amah in manlang takin Samson' galte kiangah va ko hi.

Samson a ihmud laitak in Delilah in a sam metsak hi. Tua khith ciangin amah phonga, "Philistine te hong pai, Samson!" ci hi. Tu in bang piang hiam? **Aneu 20.**

A sam om nawn lo tawh Samson pen amel bang nawn loin kilamdang hi. Pasian vangliatna in taisan ta hi.



A ban a thupiang in lipkhap-huai lua hi. Philistine te in Samson that nuam loin, tua sangin a mitte lakkhiatsak a, ganhing bangin na semsak hi. Tua dan hileh

mite in mu in, amah leh a Pasian ciam-nuih bawl thei ding uh hi. **Aneu 21.**

Tua thong sungah Samson in a gitloh lam a kiphawk theih nadingin hun tampi ngah hi. Pasian a dah-saknate ah nakpi takin kisikkik hi. Tua hun sungin, bang thu hong piang




hiam? **Aneu 22.**

Ni khat, Philistine te in a biakinn sungah paw lianpi khat kham uh a, mi 3000 bang hong pai hi. Tua in bang paw hiam, kua tungah biakpiakna pia uh hiam? **Aneu 23, 24.**

Khua mu lo Samson pen thonginn panin biakinn ah mipi muh theih dingin ki paipih hi. Tua ciangin Samson in amah a tonpih nau-pangpa kiangah bang gen hiam? **Aneu 26.**

Samson in a lamdang thungetna khat ngen hi. Amah in a nuntakna beilawh ding cih a theih hangin, Pasian ading na khat a sep zawh nang thahatna ngen hi.

I kisik takpi ciangin Pasian in hong maisak den hi. A mittaw Samson zong a mawhna maisak hi. Pasian in Samson' thungetna koici dawng hiam? **Aneu 29, 30.**

 **NGAIHSUN-IN:** *A tawpna ah Samson in amah-le-amah a kilungkimsakna in Satan lungkimsakna abih lam mu khia hi. I ut banga i tatnop ciang in hih thu phawk-huai nasa hiam?*



**FURTHER STUDY:** Judges 13–16; *Patriarchs and Prophets*, pp. 560–568; *The Bible Story*, vol. 3, pp. 130–136.



## THE STORY CORNER

# Davy a Huihut Dan - Khen 2

Adapted by Amy Sherrard

**A**thunuam mahmah paak-sai neipa in Davy leh Miss Darrow kiho-nateng na za a, Davy a lungnop loh lam thei hi. Amah in Davy kiangah, thu pawlkhat nong koksak theih leh Easter unok paak khat kong pia ding hi, ci hi.

Davy in pak dei mahmah a, a thukoh dingteng a zawh khit ciangin, lungdam maitai sa in, tua paak hoih mahmah tawh Uncle Toby' sai ah hong ciah hi.

A Sabbath kik ciangin, Sabbath school sianu in galte it ding leh ei hong mudahte tungah na hoih bawl ding thu gen hi: "Tu kal sungin no tunga hong gilo pen khat tungah na hoih bawl ding kong deihsak hi. Jesu in zong tua bangin hih hi; Sabbath 13na sumpi na neih loh hangin tua bang hihna in Amah lungdamsak ding hi."

Inn lam a ciah kawmin, Davy in Miss Darrow ading na hoih khat ka sem ngam tam cih ngaihsunsun hi. Amah in a gilopen-a a theih ahi hi.

Amah in a tuam vilvel cit-piak nei nawn lo ding himah leh a sianu in, "Tua bangin sem leh Jesu nuam ding hi" acih manin, "Miss Darrow kiangah ka Easter unok paak ka pia ding hi, tua hileh amah'n khutdawh-ngen hong sa nawnlo dinga, Pasian zong lungdam ding hi," ci hi.

Tua ni nitak in a mai ah avom siuhseuh pasalno khat, puan kikek tawh unok paak kitun tawi in, tai-hinnpi mai ah diing hi. Innteng' nasem Hulda in Davy kiangah "bang dei hiam," ci-in dong hi.

Davy in, "Hih unok paak pen Miss Darrow ka pia nuam hi," ci-in gen hi.

Innteng' nasemnu in lamdangsa lua in, "Miss Darrow ading maw? Kua'n hong sawl hiam," a cih aleh, Davy in "Kuamah'n hong sawl kei; keimah in

kong tawi hi; Ka pia thei diam, hehpihna tawh" ci hi.

"Amah ading paak nong puak, amah'n pasalnote mu nuam lo hi? Amah a cina in inn sungah hong lutsak lo kha ding himah leh, tangvalno khat in nang ading


paak hong puak hi, amah inn sung hong lut thei diam, va ci limlim ning," a ci hi.

Tawlkhat khith ciangin Hulda hong paikik a, Davy pen lupna innde golpi tawlet tawh kithuah sungah lutpih hi. Amah in "Miss Darrow aw, unok paak kong puak hi; dei ding kong lamen hi," ci-in va nehphai kawmin, a nap theih ding va pia hi.

Miss Darrow in Davy a et kawmin, "Zan deuh-a ka kiangah sum hong ngen pen hilo na hiam?" ci hi.

Davy a mai teng hong san hi. Kidawm takin, "Hilo, Miss Darrow aw, Kei pen sum ngah nadinga nasep hong zongpen hi'ng," ci hi.

Tua ciangin Miss Darrow, "Aw, himah ei! Tua leh tu in hiah tu inla, banghang in hih unok paak hoih mahmah hong puak na hiam? hong gen in. A zawng mahmah tawh kibang napi-cin, koi bangin hih unok paak ngah thei nahi hiam?" (Zop Lai Ding)



**Additional resources:** nature lessons, activities, music, Bible lessons, Scripture memory, and more.

**My Bible First** Copyright © 2015

**Phone:** 1-877-242-5317

**Web:** [www.mybiblefirst.org](http://www.mybiblefirst.org) • **E-mail:** [sales@mybiblefirst.org](mailto:sales@mybiblefirst.org)

*Unless otherwise noted, Scripture quotations are from the NKJV.*